

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

DIPUTATU NAGUSIAREN SAILA

304/2022 Foru Dekretua, uztailaren 29koa, diputatu nagusiarena, Henrike Knörr 2022 sarien deialdia onesten duena

Arabako Foru Aldundiak "Euskara Sustatzeko Plan Estrategikoa Araban 2019-2022" dokumentua onartu zuen 2018ko abenduan. Plan horren helburu nagusia da euskal hiztunak eta euskal hiztunen sareak aktibatzea, eta baldintzak sortzen jarraitzea lurraldean euskaraz bizitzeko aukerak bermatzeko.

Arabako Foru Aldundiak eta Euskal Herriko Unibertsitateak uste dute bide horretan ezinbestekoa dela prozesuaren beraren inguruko ikerketa bultzatzea, eta erabaki dute urtero deialdi bat argitaratzea euskararen erabilerari buruzko ikerketa-lan monografikoak eta gradu eta master amaierako lanen proiektuak sustatzeko. Henrike Knörren familiarekin batera adostu dute deialdi hau baliatzea Henrike Knörr (Tarragona, 1947 – Gasteiz, 2008) euskalari eta euskaltzaleari omen egiteko, Euskal Herriko Unibertsitatearen Gasteizko Letren Fakultatean katedradun izan zenaren izena emanez sariari, Arabako Foru Aldundiaren eta Euskal Herriko Unibertsitatearen arteko lankidetzaren testuinguruan.

Deialdi honetan master amaierako lanen proiektuak lehenetsiko dira, baina bestelako ikerketa-lan monografikoak edo gradu amaierako proiektuak ere onartuko dira, geroko tesiak bultzatzeko helburuarekin, betiere ikergai nagusia euskararen erabilera bada, nahi den jakintza-alorretik ikertua. Nolanahi ere, unibertsitateko irakasle doktore batek bermatu behar du proiektua.

Aginduzko txostenak aztertu dira.

Horregatik, eta dauzkadan eskumenez baliatuz, honako hau

XEDATZEN DUT

Lehenengoa. Henrike Knörr sarien deialdia onestea. Gehieneko zuzkidura 4.000 euro izango da.

Bigarrena. Deialdia arautuko duten oinarriak onestea. Eranskinean daude.

Hirugarrena. Gastu hau babesten duen aurrekontu partida Arabako Foru Aldundiaren 2022ko ekitaldirako gastuen aurrekontuko 02401. G/335021/48000021 da (zorpekin erreferentzia: 105.3111).

Laugarrena. Deialdi hau ALHAOn argitaratzea.

Bosgarrena. Ebazpen honek administrazio bidea agortzen du, eta haren aurka administrazioarekiko auzi-errekurtsoa aurkeztu ahal izango da, Gasteizko Administrazioarekiko Auzietarako Epaitegietan, bi hilabeteko epean, jakinarazpen hau jaso eta hurrengo egunetik aurrera, edo, bestela, berraztertze errekurtsoa aurkeztu ahal izango zaio ebazpena eman duen organoari berari, hilabeteko epean, jakinarazpen hau jaso eta hurrengo egunetik aurrera.

Vitoria-Gasteiz, 2022ko uztailaren 29a

Diputatu nagusia

RAMIRO GONZÁLEZ VICENTE

Euskararen eta Gobernu Irekiaren zuzendaria

LEXURI UGARTE ARETXAGA

ERANSKINA**HENRIKE KNÖRR 2022 SARIEN OINARRIAK****Lehenengoa. Xedea**

Henrike Knörr sarien xedea izango da, Arabako Lurralde Historikoa ardatz hartuta, (lurralde osoan nahiz eskualde edo eremu batean), euskararen erabilera ikergai duten ikerketa-lanak sustatzea. Horretarako, master amaierako lanen proiektuak lehenetsiko dira, baina bestelako ikerketa-lan monografikoen proiektuak ere onartuko dira, baita gradu amaierako lanen proiektuak ere, geroko tesiak bultzatzeko helburuarekin, betiere ikergai nagusia bada Arabako Lurralde Historikoan euskararen erabilera aztertzea, nahi den jakintza-alorretik ikertua.

Sari hauen deialdia Foru Gobernu Kontseiluaren ekainaren 21eko 26/2022 Foru Dekretuan xedatutakoaren arabera egiten da. Foru dekretu horrek Diputatu Nagusiaren Sailak eman beharreko sariak arautzen dituzten oinarri orokorrak onetsi zituen (ALHAO, 80 zenbakia, 2022ko uztailaren 11ekoa).

Bigarrena. Pertsona onuradunak

Sariak eskuratu ahal izateko baldintza hauek bete beharko dira:

a) Oinarriak ALHAOn argitaratzen diren egunean, Europar Batasuneko estatu kideren bateko edo Europako Esparru Ekonomikoari buruzko Hitzarmena sinatu duten estatu bateko nazionalitatea izatea edo bizilekua haietakoren batean izatea.

b) Aurreko oinarrian adierazitako gaiekin lotutako master amaierako lanen proiektuak, ikerketa-lan monografikoak edo gradu amaierako lanen proiektuak egiten ari diren pertsona fisikoak izatea. Kasu guztietan proiektuak unibertsitateko irakasle doktore baten abala izan beharko du.

Hirugarrena. Zuzkidura ekonomikoa

2022an bi proiektu aukeratuko dira gehienez, eta bakoitzari 2.000 euro emango zaizkio.

Laugarrena. Aurrekontuan erabilgarri dagoen kopurua

Deialdi honetarako izendatutako zenbatekoa 4.000 euro da. Sarien guztirako zenbatekoa ezin da izan zuzkidura hori baino handiagoa.

Gastu hau babesten duen aurrekontu partida Arabako Foru Aldundiaren 2022ko ekitaldirako gastuen aurrekontuko 02401. G/335021/48000021 da.

Bosgarrena. Balioespen irizpideak

Hona hemen proposamenak balioesteko irizpideak:

1. Proiektuaren helburua eta interesa: gehienez 5 puntu.
2. Proiektuak Araban euskararen erabileraren normalizazioari egiten dion ekarpena: gehienez 5 puntu.
3. Proiektuaren ebaluazio orokorra (esparru teorikoa, aurrekariak eta metodologia): gehienez 5 puntu.
4. Proiektuaren garapen-maila: gehienez 5 puntu.
5. Proiektuaren bideragarritasuna: gehienez 5 puntu.
6. Eskatzailearen curriculum vitae eta espediente akademikoa: gehienez 5 puntu.
7. Master amaierako lana izatea: gehienez 5 puntu.

Seigarrena. Aurkeztu beharreko agiriak

Sari hauek eskuratzeko interesa duten pertsonak agiri hauek aurkeztu beharko dituzte, agi-riotan idatzizko edo irudizko hizkera ez-sexista erabiliz:

- a) Eskabidea, deialdi honen eranskin gisa argitaratzen den ereduaren arabera.
- b) Eskatzailearen curriculum vitae.
- c) NAN, AIZ edo pasaporte (elektronikoki bidaltzen bada eskabidea, ez da beharrezkoa dokumentu hauen kopia aurkeztea).
- d) Espediente akademikoaren kopia.
- e) Proiektuaren eskema eta laburpena: ezinbestekoa da helburuak, esparru teorikoa, aurrekariak eta metodologia jasotzea (gutxienez 5.000 hitz, eta gehienez, 7.500).
- f) Unibertsitateko irakasle doktore baten berme txostena, non adierazi behar baitu ikerketa-lanaren zuzendari izango dela. (deialdi honen eranskin gisa argitaratzen den ereduaren arabera).
- g) Proiektua balioesteko garrantzitsuak izan daitezkeen beste informazio edo dokumentazio batzuk.
- h) Idatzizko konpromisoa, proiektua deialdi honetan ezarritako epean egin eta entregatzekoa.

Zazpigarrena. Eskaerak aurkezteko tokia eta epea

Eskaerak aurkezteko epea deialdi hau ALHAOn argitaratu eta hurrengo egunetik aurrera hasiko da, eta 2022ko azaroaren 15ean amaituko da.

Eskaerak Euskararen eta Gobernu Irekiaren Zuzendaritzako Euskararen Foru Zerbitzura bidali behar dira, eta honako hau adierazi behar da: "Henrike Knörr"

Eskaerak leku hauetan aurkeztu ahal izango dira:

- Arabako Foru Aldundiaren Erregistro Orokorrean (Probintzia plaza z/g, 01001 PK), edo Arabako Foru Aldundiaren egoitza elektronikoen bidez (Erregistro Elektroniko Komuna: <https://egoitza.araba.eus/eu/-/tr-registro-electronico-comun>).
- Gasteizko, Guardiako eta Laudioko Ogasun bulegoen erregistroan.
- Administrazio Publikoen Administrazio Prozedura Erkidearen urriaren 1eko 39/2015 Legeak 16.4 artikuluan ezarritako gainerako erregistroetako edozeinetan.

Eskabideak ez badira behar den moduan aurkezten, edo deialdi honetan eskatzen diren agirietakoren bat falta bada, interesdunari errekerimendua egin ahalko zaio 10 egunen barruan akats hori zuzendu dezan edo aginduzko agiriak erants ditzan. Adierazi den epean hala egiten ez badu, bere eskabideari uko egiten diola ulertuko da, eta beste izapiderik gabe artxibatuko da.

Pertsona berak deialdi honetako sari bakarra eskatu ahal izango du.

Zortzigarrena. Balioespen batzordea eta eskabideen ebazpena

1. Epaimahaiburua Euskararen eta Gobernu Irekiaren zuzendaria izango da, eskumena baitu gaia dela eta; hark beste pertsona bati eskuordetu ahal izango dio ardua hori. Halaber, epaimahaiburuak Arabako Foru Aldundiko Euskararen Foru Zerbitzuko burua izendatuko du epaimahaiko idazkari, hitza duela baina botorik gabe. Horrez gainera, balioespen batzordean aditu hauek izango dira:

- Gidor BilbaoTelletxea (Arabako Foru Aldundiak proposatuta).
- Iñaki Martínez de Luna Pérez de Arriba (Arabako Foru Aldundiak proposatuta).
- Gema Lasarte Leonet (Euskal Herriko Unibertsitateak proposatuta).

2. Aurkezturiko curriculumak eta ikerketa proiektuak balioespen batzordeak balioetsiko ditu. Balioespen batzorde horrek, baremoak zehaztu ondoren, zerrenda bat egingo du, puntuazio handienetik txikienera. Puntuaziorik handiena lortzeagatik dotazio ekonomikoa eskuratzea merezi duten pertsonen izenak proposatuko ditu, bai eta ordezkoen izenak ere, uko egiteak edo beste edozein gertaera badaude ere. Batzordeak elkarrizketa pertsonalak egitera deitu ahal izango ditu interesdun guztiak edo batzuk. Batzordeak ez baditu egokitzat jotzen sariak eskuratu nahi dituzten eskatzaileen profilak eta proiektuak, 2022an zuzkidura ekonomikoak (edo haietakoren bat) ez ematea proposa dezake.

3. Balioespen batzordeak erabaki dezake sariak eman gabe uztea, osorik edo zati batean.

4. Balioespen batzordearen erabakiaren aurka ezin izango da gora jotzeko errekurtsorik aurkeztu. Erabakia batzordeko kideen gehiengo soilez hartuko da, eta batzordeak berak izango du eztabaidetan sortzen diren gorabehera guztiak ebazteko ahalmena.

5. Deialdi honetako sariak ematea Diputatu Nagusiaren foru dekretu bidez ebatziko da, balioespen batzordearen proposamena ikusirik, zeina arrazoitua izango baita, eta amaiera emango dio administrazio bideari.

6. Xedatuta ez dagoen guztian, Sektore Publikoaren Araubide Juridikoaren urriaren 1eko 40/2015 Legeak kide anitzeko organoei buruz araututakoari jarraituko zaio.

7. Ebazpena ALHAOn argitaratuko da.

Bederatzigarrena. Oinarriak onartzea

Deialdi honetan parte hartzen duten pertsonak berariaz onartzen dituzte eta bete egin behar dituzte deialdian bertan zehazten diren baldintza guztiak.

Oinarri hauetan aurreikusten ez denerako, honako hau aplikatuko da: Foru Gobernu Kontseiluaren 26/2022 Foru Dekretua, ekainaren 21ekoa. Haren bidez, Diputatu Nagusiaren Sailak eman beharreko sariak arautzen dituzten oinarri orokorrak onesten dira.

Hamargarrena. Sarien ordainketa

Emandako sariaren zenbatekoa justifikatu beharreko aurrerakin gisa emango da, saria emateko ebazpena eman ondoren.

Hamaikagarrena. Onuradunen betebeharrak

a) Deialdi honen garapenean normalean eragina izan dezakeen edozein egoera idatziz jakinaraztea.

b) Amaitutako ikerketa lana 2023ko irailaren 29a baino lehen aurkeztea Euskararen Foru Zerbitzuan, zeinak balioespen batzordeari helaraziko baitio, oniritzia eman diezaion.

c) Diputatu Nagusiaren Sailak eman beharreko sariak arautzen dituzten oinarri orokorrak onesten dituen Foru Gobernu Kontseiluaren ekainaren 21eko 26/2022 Foru Dekretuarekin bat etorritako eskatzeak diren gainerako betebeharrak betetzea.

d) Euskal Autonomia Erkidegoko emakumeen eta gizonen berdintasunerako eta emakumeen kontrako indarkeria matxistarik gabeko bizitzarako 4/2005 Legean eta Emakumeen eta Gizonen Berdintasun Eragingarriko 3/2007 Lege Organikoan ezarritako printzipioak eta betebeharrak betetzea.

Hamabigarrena. Ikerketaren jabetza

Arabako Foru Aldundiak eta Euskal Herriko Unibertsitateak beretzat hartzen dute ikerketa argitaratu eta zabaltzeko eskubidea, indarrean dagoen legeriaren arabera lanen egiletza errespetatuz.

Hamahirugarrena. Bateriaezintasunak

Deialdi honen xede diren sariak bateraezintasunak izango dira proiektu bera laguntzeko ematen den beste edozein laguntzarekin.

Hamalauugarrena. Saria itzultzea

Oinarri hauetan ezarritako betebeharrak betetzen ez badira, itzuli egin beharko da jasotako zenbatekoa, baita Foru Gobernu Kontseiluaren ekainaren 21eko 26/2022 Foru Dekretuan ezarritako kasuetan ere. Foru dekretu horrek Diputatu Nagusiaren Sailak eman beharreko sariak arautzen dituzten oinarri orokorrak onesten ditu.


Hamabosgarrena. Publizitatea

Deialdi hori ALHAOn argitaratuko da, eta ahal den gehien hedatuko da komunikabide sozialetan.

Hamaseigarrena. Azken klausula

Oinarri hauetan xedatu ez denari dagokionez, honako arau hauek aplikatuko dira: Foru Gobernu Kontseiluaren 26/2022 Foru Dekretua, ekainaren 21ekoa, Diputatu Nagusiaren Sailak eman beharreko sariak arautzen dituzten oinarri orokorrak onesten dituena, eta, oinarrien izaera juridikoarekin bateragarriak diren neurrian, 11/2016 Foru Araua, urriaren 19koa, Arabako Lurralde Historikoaren Dirulaguntzei buruzkoa, baita 38/2003 Lege Orokorra, azaroaren 17koa, Dirulaguntzei buruzkoa, eta 887/2006 Errege Dekretua, uztailaren 21ekoa, Dirulaguntzei buruzko azaroaren 17ko 38/2003 Lege Orokorraren Erregelamendua onesten duena.

Halaber, Administrazio Publikoen Administrazio Prozedura Erkidearen urriaren 1eko 39/2015 Legean, Emakumeen eta gizonen berdintasunerako eta emakumeen kontrako indarkeria matxistarik gabeko bizitzarako Eusko Legebiltzarraren otsailaren 18ko 4/2005 Legean, Emakumeen eta Gizonen Berdintasun Eragingarrirako martxoaren 22ko 3/2007 Legean eta aplikatzekoa den gainerako araudian ezarritakoa bete beharko dute.

 <p>Arabako Foru Aldundia Diputación Foral de Álava www.alava.net</p>	ERANSKINA HENRIKE KNÖRR SARIAK Arabako Foru Aldundiaren eta Euskal Herriko Unibertsitatearen deialdia (2022) euskararen erabileari buruzko ikerketa-lanaren, gradu-eta master amaierako lanaren proiektuak sustatzeko Arabako Lurralde Historikoan
	ANEXO PREMIOS HENRIKE KNÖRR Convocatoria (2022) de la Diputación Foral de Álava y la Universidad del País Vasco para la promoción de trabajos de investigación y proyectos de trabajos de fin de máster y fin de grado sobre el uso del euskera en el Territorio Histórico de Álava

Diputatu Nagusiaren Saila

Departamento de Diputado General

Eskaera zk. ■ Nº Solicitud

Eskaera data ■ Fecha Solicitud

--	--

(Administrazioak betetzeko ■ A cumplimentar por la Administración)

ESKATZAILEA ■ SOLICITANTE ⁽¹⁾

Eskatzaileak betetzeko ■ A rellenar por la persona solicitante

Identifikazio zk. (NAN, AIZ, besteren bat) ■

Nº identificativo (DNI, NIE, otros)

Izena eta abizenak ■ Nombre y apellidos

Helbidea (kalea) ■ Domicilio (calle)

Zk. ■
Núm.

Letra

Eskra. ■
Escal.
Solairua ■
Piso
Aldea ■
Mano

Herrialdea ■ País

Probintzia ■ Provincia

Udalerrria ■ Municipio

Herria ■ Localidad

P. K. ■ C.
P.

Telefonoa ■ Teléfono


Mugikorra ■ Móvil

Faxa ■ Fax

Posta elektronikoa ■ Correo electrónico

AURKEZTUTAKO DOKUMENTAZIOA ■ DOCUMENTACIÓN PRESENTADA

- Eskatzailearen CVa.
CV de la persona solicitante.
- NAN, AIZ edo pasaporte (elektronikoki bidaltzen bada eskabidea, ez da beharrezkoa dokumentu hauen kopia aurkeztea.
DNI, NIF o passaporte (si la solicitud se presenta electrónicamente, no será necesaria la presentación de copias de dichos documentos).
- Espediente akademikoaren kopia. ■
Copia del expediente académico.
- Proiektuaren eskema eta laburpena: ezinbestekoa da helburuak, esparru teorikoa, aurrekariak eta metodologia jasotzea (5.000-7.500 hitz) ■ .
Esquema y resumen del proyecto: es imprescindible que recoja los objetivos, el marco teórico, los antecedentes y la metodología (5.000-7.500 palabras).
- Unibertsitate- irakasle doktore baten berme-txostena, ikerketa -lanaren zuzendari izango dela esanez. ■
Informe de garantía del profesor/a doctor/a universitario/a, declarando que es la persona que dirige el proyecto de Investigación.

 <p>Arabako Foru Aldundia Diputación Foral de Álava www.alava.net</p>	<p>ERANSKINA HENRIKE KNÖRR SARIAK</p> <p>Arabako Foru Aldundiaren eta Euskal Herriko Unibertsitatearen deialdia (2022) euskararen erabileari buruzko ikerketa-lanen, gradu-eta master amaierako lanen proiektuak sustatzeko Arabako Lurralde Historikoan</p>
	<p>2022</p> <p>ANEXO PREMIOS HENRIKE KNÖRR</p> <p>Convocatoria (2022) de la Diputación Foral de Álava y la Universidad del País Vasco para la promoción de trabajos de investigación y proyectos de trabajos de fin de máster y fin de grado sobre el uso del euskera en el Territorio Histórico de Álava</p>

Diputatu Nagusiaren Saila

Departamento de Diputado General

- Proiektua balioesteko garrantzitsuak izan daitezkeen beste informazio edo dokumentazio batzuk ■
Otras informaciones o documentación relevante para la valoración del proyecto.
- Proiektua deialdi honetan ezarritako epean egiteko eta entregatzeko idatzizko konpromisoa ■
Compromiso por escrito de realizar y entregar el proyecto en el plazo establecido em la presente convocatoria.

JAKINARAZPENAK ■ NOTIFICACIONES

Jakinarazpen-sistema hautatzea (adierazi x batez jakinarazpen-modua) ■ Elección del sistema de notificación (indicar con una x la forma de notificación elegida).

Posta arrunta ■ Correo postal.


[]	[]	[]	[]	[]	[]
Herrialdea ■ País	Probintzia ■ Provincia	Udalerría ■ Municipio	Herría ■ Localidad	P. K. ■ C. P.	
[]	[]	[]	[]	[]	[]

Mugikorra ■ Móvil	Posta elektronikoa ■ Correo electrónico
[]	[]

Jakinarazpen elektronikoa (Hartzaileek Arabako Foru Aldundiaren egoitza elektronikoko « nire jakinarazpenak » atalean eskuratu ahal izango dituzte jazarpenak) ■ Notificación electrónica (Las personas destinatarias podrán acceder a las notificaciones en el apartado "Mis notificaciones" de la sede electrónica de la Diputación Foral de Álava).

Mugikorra ■ Móvil	Posta elektronikoa ■ Correo electrónico
[]	[]

Orria ■ Hoja 2/3

 <p>Arabako Foru Aldundia Diputación Foral de Álava www.alava.net</p>	<p>ERANSKINA</p> <p>HENRIKE KNÖRR SARIAK</p> <p>Arabako Foru Aldundiaren eta Euskal Herriko Unibertsitatearen deialdia (2022) euskararen erabileari buruzko ikerketa-lanen, gradu-eta master amaierako lanen proiektuak sustatzeko Arabako Lurralde Historikoan</p>
	<p>ANEXO</p> <p>PREMIOS HENRIKE KNÖRR</p> <p>Convocatoria (2022) de la Diputación Foral de Álava y la Universidad del País Vasco para la promoción de trabajos de investigación y proyectos de trabajos de fin de máster y fin de grado sobre el uso del euskera en el Territorio Histórico de Álava</p>

Diputatu Nagusiaren Saila

Departamento de Diputado General

ESKATZEN DU/SOLICITA

2022 Henrike Knörr sarien deialdian parte hartzea./La participación en la convocatoria de los premios Henrike Knörr 2022.

(Tokia eta data ■ Lugar y fecha)

Sinadura ■ Firma

Oharra (1)

Europako Parlamentuaren eta Kontseiluaren 2016ko apirilaren 27ko 2016/679 (EB) Erregelamenduan (DBEO) eta Datu Pertsonalak Babesteari eta Eskubide Digitalak Bermatzeari buruzko abenduaren 5eko 3/2018 Lege Organikoan ezarritakoa betez, parte-hartzaileek emandako datu pertsonalak Arabako Foru Aldundiaren EUSKARA SUSTATZEKO T67 fitxategian sartuko dira. Arabako lurralde historikoan euskararen erabilera sustatzeko jarduerak kudeatzeko sartuko dira. Datu horien konfidentzialtasuna bermatuko da, eta ez zaizkie hirugarrenei jakinaraziko, legez baimentzen diren kasuetan izan ezik. DBEOk onartzen dituen datuak eskuratzeko, zuzentzeko, ezereztzeko, aurka egiteko eta tratamendua mugatzeko eskubideak baliatu ahal izango dituzu, Arabako Foru Aldundiaren Erregistroko bulegora joz (Probintzia plaza 5, PK 01001, Vitoria-Gasteiz - Araba). Informazio gehiago: <https://web.araba.eus/es/tratamenduen-lege-ohar-hedatua>

Nota (1)

En cumplimiento de lo establecido en el Reglamento (UE) 2016/679 del Parlamento Europeo y del Consejo, de 27 de abril de 2016 (RGPD) y en la Ley Orgánica 3/2018, de 5 de diciembre, de Protección de Datos Personales y Garantía de los Derechos Digitales, los datos personales aportados por las personas participantes se incluirán en el fichero T67 PROMOCIÓN DEL EUSKERA de la Diputación Foral de Álava. Se incorporarán para gestionar actividades de fomento del uso del euskera en el territorio histórico de Álava. Se garantizará la confidencialidad de estos datos y no se comunicarán a terceros, salvo en los casos en que se autoricen legalmente. Podrá ejercitar los derechos de acceso, rectificación, cancelación, oposición y limitación del tratamiento reconocidos por el RGPD, dirigiéndose a la oficina del Registro de la Diputación Foral de Álava (Plaza de la Provincia 5, CP 01001, Vitoria-Gasteiz -Araba). Más información en: <https://web.araba.eus/es/web/araba/aviso-legal-ampliado>.

Orria ■ Hoja 3/3